

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-10-Z/21

Kakanj, 23.09.2021. godine

Z A P I S N I K

**sa 10. redovne sjednice Općinskog vijeća održane 23.09.2021. godine (četvrtak) u velikoj sali za
sastanke Općinskog vijeća sa početkom u 9:00 sati
(sažetak zapisnika)**

Nakon intoniranja himne Bosne i Hercegovine 10. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Edin Aliefendić, Aldin Šljivo, Safet Šahman, Mejrema Purišević, Namir Talić, Mediha Mamela, Omer Musić, Nerma Aliefendić, Elvir Delibašić, Nedim Mušija, Izudin Pušćul, Džemal Bečirhodžić (naknadno pristupio) i Izudin Hrusto (naknadno pristupio) (**SDA**)

Ahmed Begić, Eldin Mijoč, Miroslav Spasojević i Vinka Aletović (**SDP BiH**)

Mirsad Tursum, Sabit Čehajić, Zerina Kovač i Fakir Ajdinović (**S BiH**)

Dževdet Huskić, Behija Kulović i Branko Češljic (**NS**)

Enver Merdić i Mugdin Gorak (**SBB BiH**)

Adnan Čobo i Armin Bašić (**DF**)

Slaven Katičić (**HDZ BiH**)

Mujo Fafulić (naknadno pristupio) - **nacionalnih manjina**

Predsjedavajući je konstatovao da je na sjednici u momentu prijave prisutno 27 vijećnika i vijećnica, te da su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Ferdo Mijač, sekretar Općinskog vijeća

Enver Kusić, sekretar općinskog organa uprave

Džihad Berbić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Nurudin Hrusto, pomoćnik općinskog načelnika za civilnu zaštitu

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Rešad Zaimović, pomoćnik načelnika za društvene djelatnosti, boračka pitanja, raseljena lica, izbjeglice i povratnike

Alem Škulj, ispred Službe za imovinskoppravne, geodetske poslove i katastar nekretnina

Zijad Neimarlija, direktor Zavoda za planiranje i izgradnju općine Kakanj

Izviestioci, obrađivači, gosti:

Munevera Šehić i Helmina Murtić, članica UO i direktorica JU za predškolski odgoj i obrazovanje „Mladost“ Kakanj

Predstavnici medija:

NTV IC Kakanj
Radio Kakanj
„Kakanjske novine“

„Naša riječ“
„Kakanjlive“
„Kakanj-x“

„Kaportal“
„Klix portal“

Napomene o radu Kolegija Općinskog vijeća:

U pripremi 10. redovne sjednice Općinskoga vijeća, Kolegij Općinskog vijeća je 15.09.2021. godine, održao sjednicu na kojoj je razmatrao:

a) Davanje saglasnosti za izmjenu Regulacionog plana „Romsko naselje Varda“ u vezi zahtjeva MBD „Export-import“ d.o.o. Kakanj

Navedenu informaciju Kolegij Općinskog vijeća je primio k znanju.

b) Informacija o trasi željezničkog transporta „Trstionica“

Informacija o trasi željezničkog transporta „Trstionica“ proslijeđena je općinskom načelniku, Službi za privredu, urbanizam i zaštitu okoliša i Službi za imovinskopravne, geodetske poslove i katastar nekretnina kako bi zahtjev razmotrili, a nakon toga Kolegij izvjestili o mogućim prijedlozima uređenja navedene dionice.

c) Zahtjev Vodnog odbora Jazenac

Zahtjev Vodnog odbora Jazenac Kolegij Općinskog vijeća proslijeđen je Službi za opću upravu, radne i zajedničke poslove, lokalnu samoupravu i mjesne zajednice, Službi civilne zaštite, JP „Vodokom“ d.o.o. Kakanj i JU Dom zdravlja Kakanj na postupanje i razmatranje, te se traži od istih da prema Kolegiju sačine informaciju o poduzetim mjerama.

d) Zahtjev Willona d.o.o. Sarajevo za pomjeranje trase nove saobraćajnice

Zahtjev Willona d.o.o Sarajevo za pomjeranje trase nove saobraćajnice Kolegij Općinskog vijeća je proslijedio Zavodu za planiranje i izgradnju općine Kakanj na razmatranje, te se traži da prema Kolegiju sačini informaciju o poduzetim mjerama.

e) Molba Fate Kovač za promjenu naziva ulice Rahmana Kovača

Molbu Fate Kovač za promjenu naziva ulice Rahmana Kovača Kolegij je proslijedio općinskom načelniku i Službi za opću upravu, radne i zajedničke poslove, lokalnu samoupravu i mjesne zajednice na razmatranje i tražio da sačini prijedlog odluke o izmjeni Odluke o utvrđivanju naziva novih ulica općine Kakanj („Službene novine Općine Kakanj“, broj: 7/19).

f) Molba „AES promet“ d.o.o. Kakanj

Molbu „AES promet“ d.o.o. Kakanj Kolegij Općinskog vijeća je proslijedio općinskom načelniku i Službi za privredu, urbanizam i zaštitu okoliša i tražio očitovanje po navodima iz dopisa.

Usvajanje zapisnika sa 8. i 9. redovne sjednice Općinskog vijeća:

Nije bilo primjedbi na zapisnik sa 8. redovne sjednice Općinskog vijeća i isti je usvojen jednoglasno sa 28 glasova ZA. Primjedbu na zapisnik sa 9. sjednice je iznio vijećnik Dževdet Huskić i to u pogledu navoda iz diskusije općinskog načelnika pod tačkom 9. zapisnika, jer smatra da su navedene riječi koje općinski načelnik nije rekao, a tiču se glasanja o predloženom zaključku vijećnika Huskića. Predsjedavajući je primjedbu vijećnika Huskića dao na glasanje i ista nije dobila potrebnu većinu sa 11 glasova ZA, bez glasova PROTIV i 16 glasova UZDRŽAN. Nakon toga Vijeće se izjašnjavalo o zapisniku sa 9. redovne sjednice Općinskog vijeća, te je usvojen sa 20 glasova ZA, 7 glasova PROTIV i 1 glas UZDRŽAN.

Komentari na dostavljene odgovore na vijećnička pitanja:

Dževdet Huskić: je rekao da je djelimičan odgovor Službe za poslove Općinskog vijeća na pitanje u vezi visine troškova printanja materijala za sjednice Vijeća, jer ne sadrži troškove kopiranja već samo utroška papira, te je tražio da se isti dopuni. U vezi odgovora na pitanje konzervacije zaštićenog područja Bare je rekao da isti ne sadrži odgovor na postavljeno pitanje, jer nije navedena niti jedna aktivnost koja je imala za cilj konzervaciju, odnosno zaustavljanje i sprečavanje antropogenih pritisaka na to područje. Tražio je da mu se dodatno odgovori koje aktivnosti je Općina do sada poduzela na konzervaciji zaštićenog područja Bare, ili ukoliko nije ništa poduzeto da se to navede. Rekao je da su antropogeni pritisci prijavljeni Općini putem zvanične facebook stranice, pa je u tom smislu pitao da li je općinska inspekcija obišla teren i sačinila zabilješku, odnosno da li je iko kažnjen. Još je pitao da li postoji edukativna, društvena i ekonomska opravdanost za postojanje zaštićenog područja Bare, te od kojeg nivoa značaja su vrijednosti u tom području. Tražio je da mu se odgovori na pitanja postoji li elaborat o valorizaciji prirodnih vrijednosti u zaštićenom području Bare, koje mjere zaštite su utvrđene za zonu zaštićenog područja, kako je poznato da je potrebna sanacija i stabilizacija tog područja od strane privatnih investitora ako je poznato da se upravljanje zaštićenim područjem provodi na osnovu plana upravljanja, kao i da li postoji plan upravljanja zaštićenim područjem. Također, pitao je da li je prilikom donošenja Prostornog plana Općine Kakanj i utvrđivanja prostornog obuhvata Bare, utvrđeno da se na prostoru zaštićenog područja nalazi teren za obuku i trening lovačkih pasa i da li je on bio u skladu sa utvrđenim mjerama zaštite i Zakonom o lovstvu F BiH, te je pitao da li su se preimenovanjem lovnog objekta u prihvatilište za ranjenu divljač stekla zakonska osnovna prava i osnova za postojanost tog objekta u zaštićenom području.

Vinka Aletović: je komentarisala odgovor u vezi pitanja oko postavljanja stubova sa rasvjetnim tijelima u Modrinju i pretjerano nisko ostavljenih kablova. Rekla je da u odgovoru stoji da nije bilo dovoljno sredstava da se projekat realizuje u cijelosti, te da su predstavnici MZ Modrinje dali saglasnost da se projekat realizuje na način kako je i učinjeno, a što se tiče nisko ostavljenih kablova rečeno je da su radovi u garantnom roku tako da se treba obratiti izvođaču da riješi problem. Rekla je da smatra da se nije trebalo pristupiti realizaciji projekta ukoliko nije bilo sredstava da se projekat u potpunosti realizuje, te je postavila pitanje da li su se predstavnici MZ usaglasili sa mještanima oko odstupanja od projekta i da li postoji pismena saglasnost za to, kao i da li su predstavnici MZ imali pravo da mjenjaju projekat. Naglasila je da je zbog takvog rješenja evidentno nezadovoljstvo mještana, pogotovo ako se ima u vidu da su dijelom i mještani učestvovali u finansiranju projekta.

Branko Češljic: je komentarisao odgovor na pitanje oko vodosnabdijevanja sela Bištrani kojom prilikom je napomenuo da Bištrani nisu jedino područje koje ima problem sa vodosnabdijevanjem, pa je u tom kontekstu pozvao predstavnike Vodokoma da obiđu teren i utvrde područja koja imaju problem sa vodosnabdijevanjem kako bi se pokušala iznaći rješenja za te probleme.

Armin Bašić: je komentarisao odgovor na pitanje u vezi adresnog registra općine Kakanj i rekao da je dobio odgovor od Federalne geodetske uprave u kojem stoji da uspostava registra počela sredinom 2020. godine i da su dalje aktivnosti do okončanja projekta na Općini Kakanj. Na osnovu svega smatra da registar nije napravljen u skladu sa zakonom i strukom. Uz to je pitao ko je dao saglasnost Vodokomu za postavljanje pločica sa brojevima na objekte bez izvedbenog projekta i bez nadzora struke, jer su na terenu nastale greške u hiljadama brojeva, a uspostavom registra te stvari će biti usvojene, a što će u konačnici građanima proizvesti velike probleme.

Vijećnička pitanja:

Armin Bašić: je postavio dva vijećnička pitanja. Prvo koji je krajnji rok za završetak i uspostavu adresnog registra, obzirom da isti proces traje već 5 godina i zašto ne postoji izvedbeni projekat prilikom postavljanja pločica sa brojevima na terenu, te ko su stručna lica i koje struke koja su obučena za uspostavu registra kojima se može obratiti po pitanju grešaka na terenu u velikim serijama brojeva. Drugo pitanje je koji organ je dužan da obezbjedi adekvatno rješenje za ispunjenje uslova iz Zakona o bezbjednosti saobraćaja, konkretno odnoseći se na Pravilnik o načinu i uvjetima organiziranja ispita za vozače motornih vozila, koji obuhvata obezbjeđenje svih uslova ispitnog mjesta, poligona za početno mjesto i obuku kandidata za vozače, rješavanje svjetlosne saobraćajne signalizacije i ulice sa smanjenim intenzitetom saobraćaja.

Safet Šahman: je postavio dva vijećnička pitanja. Prvo je zašto nije došlo do realizacije projekata usvojenih programima kroz Budžet Općine Kakanj, konkretno realizacije projekta sanacije lokalnog puta Kakanj-Podborje na dionici Dom-Podborje u iznosu od 30.000,00 KM i drugo zašto općinske službe nisu u stanju privoliti izvođače radova da otklanjaju nedostatke koji se uoče prilikom izvođenja radova, naročito u garantnom roku, odnosno zašto se isplaćuju ugovorena sredstva, a da se ne izvrši kompletna kontrola radova.

Ahmed Begić: je postavio dva vijećnička pitanja. Prvo pitanje je da li je JP „Grijanje“ Kakanj obavezno vratiti u prvobitno stanje put koji ošteti u toku saniranja mreže gradskog grijanja, te ako jeste zašto je već par mjeseci nakon završetka radova u Ulici 29. novembar kod Osnovne škole u Doboju prisutno udubljenje na cesti koje ometa normalno odvijanje saobraćaja. Drugo pitanje je da li je završeno saniranje udarnih rupa na zemljanom kolovozu koji vodi ka spomen obilježju na brdu Hurije, te jesu li šahtovi koji sakupljaju oborinske vode u užoj gradskoj jezgri dovedeni u funkcionalno stanje.

Behija Kulović: je postavila pitanje šta je sa kriterijima, odnosno odlukom o subvencioniranju troškova boravka djece iz socijalno ugroženih kategorija u JU za predškolski odgoj i obrazovanje „Mladost“ Kakanj, čija je izrada bila najavljena do 01.09.2021. godine.

Općinski načelnik (odgovor): je rekao da će odluka o subvencioniranju troškova boravka djece iz socijalno ugroženih kategorija u JU „Mladost“ u završnoj fazi izrade i da će biti gotova u narednih par dana i da će njena primjena ići od 01.09.2021. godine, odnosno bit će ispoštovano sve što je na ranijim na sjednicima Vijeća rečeno po pitanju iste. Razlog zašto do sada odluka nije donesena je taj što je bila sezona godišnjih odmora, te je mnogo zaposlenika bilo odsutno s posla.

Dževdet Huskić: je postavio dva vijećnička pitanja. Prvo je da li je za predstojeću zimu planirano postavljanje ledene plohe/klizališta ili organizacija bilo kakvih drugih zimskih sadržaja za naše sugrađane koji zimu provode u Kaknju, obzirom da se bliži nova zimska sezona, a zbog upita građana želi da zna je li planirano postavljanje klizališta u gradu, kao što je to slučaj u susjednim općinama i gradovima, odnosno da li JU „KSC“ Kakanj u saradnji sa Općinom planira bilo kakve zimske sadržaje za građane koji zimu provode u Kaknju. Drugo pitanje je kakvo je realno stanje sa vodosnadbijevanjem na prostoru općine Kakanj po mjesnim zajednicama (koje mjesne zajednice imaju uredno vodosnadbijevanje, koje imaju otežano, a koje nemaju nikakvo – bez obzira da li su u sistemu JP „Vodokom“ Kakanj.

Branko Češlić: je postavio dva vijećnička pitanja. Prvo je koliko su se puta palili vodeni topovi koji bi trebali smanjiti vazdušno zagađenje koje uzrokuje prašina sa odlagališta uglja u naselju Čatići, obzirom na višemjesečno sušno doba tokom ljeta tekuće godine, a drugo pitanje je koji je iznos bio predviđen u Budžetu Općine Kakanj u posljednjih 5 godina (po godinama od 2016. godine) za prevoz i sufinansiranje prevoza učenika srednjih škola i studenata i u kojem iznosu je na kraju Budžet bio izvršen (po godinama od 2016. godine), te koliko je od tih sredstava utrošeno za sufinansiranje u visini od 100%, a koliko u visini od 50% od cijene mjesečne karte

Vinka Aletović: je postavila vijećničko pitanje da li postoji patronažna služba za porodilje i novorođenu djecu u JU „Dom zdravlja“ Kakanj, obzirom da u toj JU u sklopu Službe za zdravstvenu zaštitu žena postoji porodilište, te da li u skladu s tim u okviru porodilišta postoji patronažna služba kao što je slučaj u okolnim gradovima.

Vijećničke inicijative:

Armin Bašić: je podnio vijećničku inicijativu za postavljanje adekvatne signalizacije koja bi spriječila nezgode teretnih vozila na dionici ceste u ulici „Podvarda“, tačnije na dionici od objekta „Kaoma“ do tzv. Cementarskog mosta. Naime, potrebno je postaviti znak koji zabranjuje saobraćaj vozilima čija visina prelazi visinu slobodnog prostora ispod ovog mosta i to znak postaviti na raskrsnici kod objekta „Kaoma“ kako bi na vrijeme vozači uvidjeli zabranu i mogli blagovremeno koristiti drugi pravac, jer se trenutno u neposrednoj blizini mosta nalazi znak koji zabranjuje saobraćaj vozilima čija visina prelazi 3.5 metra, a koji ne odražava stvarnu visinu mosta jer je most visok 3.3 metra.

Dževdet Huskić: je podnio dvije vijećničke inicijative. Prva inicijativa je za čišćenje, krčenje i odvoz smeća sa poligona i tribina iza OŠ „Hamdija Kreševljaković“, a nakon toga da se iste u saradnji sa Ministarstvom obrazovanja, nauke, kulture i sporta ZDK saniraju i uredi. Druga inicijativa se odnosi na organizovanje i sprovođenje programa edukacije mještana svih mjesnih zajednica o značaju i važnosti očuvanja čistih voda na području općine Kakanj. Ista bi podrazumjevala izradu i realizaciju preciznog programa edukacije stanovništva na prostoru općine, sa posebnim akcentom na edukaciju građana o tome šta je biorazgradivi otpad, kako nastaje kompost, šta je komunalni otpad, kakav utjecaj na vodu i zemlju imaju plastika i staklo i kako smeće utječe na biljni i životinjski svijet u/oko vode ili šume.

Branko Češljic: je podnio dvije vijećničke inicijative. Prva je da se izdigne u razini ceste, tj. popravi kanalizaciona rešetka koja je potonula na mjestu gdje se spajaju ulica 7. muslimanska brigade i ulica Alije Izetbegovića kod Sahat kule. Druga inicijativa je da se povijesna građevina Dusperova kuća u Kraljevoj Sutjesci restaurira po pravilima struke jer se nalazi u ruševnom stanju, s napomenom da se na nacionalne spomenike primjenjuju mjere zaštite utvrđene Zakonom o provedbi odluka Povjerenstva za zaštitu nacionalnih spomenika.

Behija Kulović: je podnijela dvije vijećničke inicijative. Prva se odnosi na izradu Gender akcionog plana Općine Kakanj za 2022-2024. Gender akcioni plan Općine Kakanj sa konkretnim mjerama bi bio okvir za poticanje razvoja lokalnih snaga, ali bi služio i kao odgovor za izazove budućeg razvoja općine u segmentu rodne ravnopravnosti. Bio bi usklađen sa Zakonom o ravnopravnosti spolova, Gender akcionim planom Bosne i Hercegovine (2018-2022) kao i sa drugim strateškim dokumentima na državnom, entitetskom, kantonalnom i lokalnom nivou, uz napomenu da je dosad petnaestak lokalnih zajednica imalo ili imaju akcione planove koji su u fazi implementacije. Druga inicijativa je za uvođenje Stipendije za izvrsnost Općine Kakanj. Stipendija za izvrsnost bi se definisala odlukom kojom bi se stipendirali najuspješniji učenici i studenti koji su ostvarili značajne rezultate na takmičenjima koja su zvanično organizovala nadležna ministarstva i prosvjetno-pedagoški zavodi na nivou kantona, FBiH, BiH, kao i međunarodna takmičenja. Ista bi se dodjeljivale na godišnjem nivou, na temelju utvrđenih kriterija i konkursa koje raspisuje općinski načelnik i jasno bi se razlikovale od jednokratnih novčanih nagrada za ostvareni uspjeh i plasman na nekom takmičenju.

Safet Šahman: je podnio dvije vijećničke inicijative. Prva je za odobrenje sredstava od vodnih naknada, za završetak radova vodovoda Krševac koji je građen 2008. godine i kada je trebalo izvršiti i sanaciju izvorišta „Zanjiva“, a zbog nedostatka finansijskih sredstava nije došlo do realizacije istog. S toga je predložio da se izvrši aplikacija od strane Općine Kakanj prema Ministarstvu poljoprivrede, vodoprivrede i šumarstva ZDK u iznosu od 30.000,00 KM. Druga inicijativa se odnosi na sanaciju puta Kakanj-Podborje na dionici Dubovo Brdo-Gradac (kod niskog mosta) oštećenog u elementarnoj nepogodi iz 2014. godine i to na način da se na postojeće stanje izvrši nasipanje i asfaltiranje, pošto smatra da sredstva za trajno rješenje vjerovatno neće biti u skorije vrijeme.

Vinka Aletović: je podnijela vijećničku inicijativu za postavljanje oglasnih ploča u mjesnim zajednicama na području naše općine s ciljem da uspostave kvalitetnije komunikacije između mjesne zajednice i mještana, te osiguravanje boljeg funkcionisanja mjesnih zajednica. Smatra da oglasne ploče predstavljaju važan način informisanja, jer neke mjesne zajednice nemaju Facebook profile sa osnovnim informacijama i obavještenjima za mještane, te tako u nekim mjesnim zajednicama mještani nisu upoznati ni sa sastavom izabranih tijela koja treba da vode mjesnu zajednicu i njihovim aktivnostima.

Predsjedavajući je konstatovao da su vijećnici Enver Merdić i Izudin Puščul podnijeli vijećničke inicijative bez korištenja govornice.

Enver Merdić: je podnio vijećničku inicijativu za smanjenje zagađenja, te u tu svrhu formiranje fonda za zaštitu okoline iz kojih sredstava bi se vršilo utopljanja stambenih objekata (individualnog i kolektivnog stanovanja). Općinsko vijeće bi na prijedlog Općinskog načelnika izdvojilo finansijska sredstva u Budžetu za taj fond, dok bi dio sredstava izdvojili stanari. Modusi učešća kao i rješavanja grijanja bi bili na stručnim tijelima Općine Kakanj, a sredstva bi se trebala planirati u Budžetu Općine za 2022. godinu, u iznosu od 300.000,00 KM, ukoliko nema dovoljno sredstava u Budžetu za 2021. godinu.

Izudin Pušćul: je podnio dvije vijećničke inicijative. Prva je za postavljanje i sanaciju ograde između mostova „Mladih“ i „Zlatnih ljiljana“, obzirom da na lokaciji do osnovne škole „Hamdija Kreševljaković“ nedostaje dio ograde koji bi se trebao spajati sa ogradama od mostova, kako bi se spriječio prolaz ili eventualni pad između mostova u rijeku Bosnu. Osim toga na početku mostova „Mladih“ i „Zlatnih ljiljana“ u blizini benzinske pumpe „Kakanj petrol“ postoji ograda koju bi trebalo sanirati, te postaviti drugačiju vrstu ograde koja bi bila sa manje otvora ili tehnički urađena tako da ne postoji mogućnost fizičkog prolaza kroz ogradu, a ne kako je to trenutno. Druga inicijativa je za čišćenje i okesivanje grmlja i drveća od naplatnih kućica u Kakanju do benzinske pumpe „Trgošped“ na kojem dijelu s obje strane puta se nalazi grmlje i drveće koje smanjuje i ometa vidljivost učesnicima u saobraćaju. Također, neki od stubova ulične rasvjete su počeli zarastati u grmlje i drveće. Smatra da je navedeno potrebno uraditi iz sigurnosnih i tehničkih razloga, a isto bi poboljšalo i estetski utisak, jer se radi o jednom od glavnih ulaza u grad.

Utvrđivanje dnevnog reda:

Predsjedavajući je za 10. redovnu sjednicu predložio dnevni red koji je usaglašen na sjednici Kolegija od 15.09.2021. godine. Kako nije bilo primjedbi na predloženi dnevni red isti je usvojen jednoglasno sa 28 glasova ZA.

Usvojeni dnevni red:

1. Prijedlog odluke o izmjenama i dopunama Budžeta Općine Kakanj za 2021. godinu
2. Izvještaj o izvršenju Budžeta Općine Kakanj za period 01.01.-30.06.2021. godine
3. Izvještaj o izvršenju tekuće budžetske rezerve Budžeta Općine Kakanj za period 01.01.-30.06.2021. godine
4. Prijedlog odluke o davanju saglasnosti za provođenje dodjele koncesije za zahvatanje i korištenje vode iz rijeke Bosne na postojećem zahvatu
5. Prijedlog odluke o izmjenama i dopunama Programa utroška namjenskih sredstava za zaštitu okoline Općine Kakanj za 2021. godinu
6. Prijedlog odluke o gubljenju statusa javnog dobra za parcele označene kao k.č.br. 656/4, k.č.br. 656/3, k.č.br. 656/2 upisane u posjedovni list k.o. Doboj
7. Prijedlog odluke o izmjeni i dopuni Kriterija o dodjeli jednokratnih i novčanih pomoći i pomoći za smještaj deložiranih pripadnika boračkih populacija /dopunska prava/
8. Informacija o realizaciji sredstava boračkim populacijama sa viših nivoa vlasti i sredstava Budžeta Općine Kakanj u skladu s kriterijima i pozitivnim zakonskim propisima za 2020. godinu
9. Davanje saglasnosti na Izmjene i dopune Finansijskog plana JU za predškolski odgoj i obrazovanje „Mladost“ Kakanj za 2021. godinu
10. Prijedlog rješenja o privremenom imenovanju članova Upravnog odbora JU „Dom zdravlja“ Kakanj

1. Prijedlog odluke o izmjenama i dopunama Budžeta Općine Kakanj za 2021. godinu

Predlagač: Općinski načelnik

Obrađivač: Služba za finansije

Izjestilac: Džihad Berbić, pomoćnik općinskog načelnika za finansije

U diskusiji nije niko učestvovao i Vijeće je usvojilo Odluku o izmjenama i dopunama Budžeta Općine Kakanj za 2021. godinu sa 21 glasom ZA, 6 glasova PROTIV i 1 glas UZDRŽAN.

2. Izvještaj o izvršenju Budžeta Općine Kakanj za period 01.01.-30.06.2021. godine

Predlagač: Općinski načelnik

Obrađivač: Služba za finansije

Izjestilac: Džihad Berbić, pomoćnik općinskog načelnika za finansije

U diskusiji nije niko učestvovao i Vijeće je usvojilo Izvještaj o izvršenju Budžeta Općine Kakanj za period 01.01.-30.06.2021. godine sa 20 glasova ZA, 7 glasova PROTIV i 3 glasa UZDRŽAN.

3. Izvještaj o izvršenju tekuće budžetske rezerve Budžeta Općine Kakanj za period 01.01.-30.06.2021. godine

Predlagač: Općinski načelnik

Obrađivač: Služba za finansije

Izjestilac: Džihad Berbić, pomoćnik općinskog načelnika za finansije

U diskusiji je učestvovao Eldin Mijoč.

Eldin Mijoč: je rekao da je iz izvještaja vidljivo da se nije mnogo trošilo, što upućuje na zaključak da je načelnik štedio na trošenju budžetskih sredstava ili da nije bilo zahtjeva po kojima bi se sredstva eventualno isplaćivala. Naglasio je da u izvještaju nema podataka kome je pomagano, na osnovu čega bi se moglo kvalitetno diskutovati, pa iz tog razloga ne vidi svrhu predmetnog izvještaja. U skladu s navedenim rekao je da klub SDP-a neće izvještaj podržati.

Nakon diskusije Vijeće je usvojilo Izvještaj o izvršenju tekuće budžetske rezerve Budžeta Općine Kakanj za period 01.01.-30.06.2021. godine sa 18 glasova ZA, 7 glasova PROTIV i 4 glasa UZDRŽAN.

4. Prijedlog odluke o davanju saglasnosti za provođenje dodjele koncesije za zahvatanje i korištenje vode iz rijeke Bosne na postojećem zahvatu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika za privredu, urbanizam i zaštitu okoline

U diskusiji je učestvovao Edin Aliefendić.

Edin Aliefendić: je napomenuo da je u skladu sa Zakonom koncesijama Federacije BiH, ukoliko Vijeće donese odluku o davanju saglasnosti na dodjelu koncesije, potrebno da se utvrdi lista stručnih lica Općinskog vijeća za provođenje postupka izbora i imenovanja dva promjenjiva člana za rad u Komisiji za koncesije Federacije Bosne i Hercegovine. U to smislu je predložio listu u sljedećem sastavu: Mirza Fazlić, Izudin Puščul, Ivo Majstorović, Zerina Kovač, Rešad Merdić i Sanel Alić.

Kako nije bilo prijavljenih za diskusiju Vijeće je sa 27 glasova ZA, bez glasova PROTIV i 1 glas UZDRŽAN usvojilo Odluku o davanju saglasnosti za provođenje dodjele koncesije za zahvatanje i korištenje vode iz rijeke Bosne na postojećem zahvatu, te Zaključak o utvrđivanju liste stručnih lica Općinskog vijeća za rad u Komisiji za koncesije u sastavu: Mirza Fazlić, Izudin Puščul, Ivo Majstorović, Zerina Kovač, Rešad Merdić i Sanel Alić, sa 18 glasova ZA, 9 glasova PROTIV i 2 glasa UZDRŽAN.

5. Prijedlog odluke o izmjenama i dopunama Programa utroška namjenskih sredstava za zaštitu okoline Općine Kakanj za 2021. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika za privredu, urbanizam i zaštitu okoline

U diskusiji je učestvovao Dževdet Huskić.

Dževdet Huskić: je komentarisao situaciju da se umanjuju sredstva sa pozicije „Postavljanje reflektora na stadionu FK Mladost“ i prebacuju na novu poziciju „Adaptacija i rekonstrukcija poslovnog objekta u vikend naselju Ponijeri“. Rekao je da se olako zanemaruje situacija u kojoj se trenutno nalazi FK „Mladost“, da deklarativna podrška prema njima postoji od svih, ali da se predmetnim potezom čini suprotan korak. Smatra da je na Ponijerima potreban reprezentativan objekat, ali da sredstva nije trebalo uzimati od Mladosti.

Mirza Fazlić (odgovor): je istakao da se ne radi ni o kakvom uzimanju sredstava, jer je općina bila sufinansijer predmetnog projekta. Kako je ugovor o izgradnji reflektora raskinut, tu stavku je trebalo u cijelosti brisati, jer više ne postoji pravni osnov za istu.

Nakon diskusije Vijeće je usvojilo Odluku o izmjenama i dopunama Programa utroška namjenskih sredstava za zaštitu okoline Općine Kakanj za 2021. godinu sa 17 glasova ZA, 9 glasova PROTIV i 3 glasa UZDRŽAN.

6. Prijedlog odluke o gubljenju statusa javnog dobra za parcele označene kao k.č.br. 656/4, k.č.br. 656/3, k.č.br. 656/2 upisane u posjedovni list k.o. Doboju

Predlagač: Općinski načelnik

Obrađivač: Službe za imovinskopravne, geodetske poslove i katastar nekretnina

Izjavitelj: Alem Škulj - ispred Službe za imovinskopravne, geodetske poslove i katastar nekretnina

U diskusiji nije niko učestvovao i Vijeće je usvojilo Odluku o gubljenju statusa javnog dobra za parcele označene kao k.č.br. 656/4, k.č.br. 656/3, k.č.br. 656/2 upisane u posjedovni list k.o. Doboju, sa 27 glasova ZA, bez glasova PROTIV i 2 glasa UZDRŽAN.

7. Prijedlog odluke o izmjeni i dopuni Kriterija o dodjeli jednokratnih i novčanih pomoći i pomoći za smještaj deložiranih pripadnika boračkih populacija /dopunska prava/

Predlagač: Općinski načelnik

Obrađivač: Službe za društvene djelatnosti, boračka pitanja, raseljena lica, izbjeglice i povratnike

Izjavitelj: Rešad Zaimović, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

U diskusiji je učestvovala Nerma Aliefendić.

Nerma Aliefendić: se zahvalila nadležnoj Službi i pohvalila rad iste, obzirom da je Služba u najkraćem mogućem roku postupila po podnesenoj vijećničkoj inicijativi i pripremila predloženi dokument. Izrazila je nadu da će svi vijećnici prepoznati značaj predloženog akta i da će ga podržati.

Nakon diskusije Vijeće je usvojilo Odluku o izmjeni i dopuni Kriterija o dodjeli jednokratnih i novčanih pomoći i pomoći za smještaj deložiranih pripadnika boračkih populacija /dopunska prava/ sa 27 glasova ZA, bez glasova PROTIV i 1 glas UZDRŽAN.

8. Informacija o realizaciji sredstava boračkim populacijama sa viših nivoa vlasti i sredstava Budžeta Općine Kakanj u skladu s kriterijima i pozitivnim zakonskim propisima za 2020. godinu

Predlagač: Općinski načelnik

Obrađivač: Službe za društvene djelatnosti, boračka pitanja, raseljena lica, izbjeglice i povratnike

Izjavitelj: Rešad Zaimović, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

U diskusiji je učestvovao Dževdet Huskić.

Dževdet Huskić: se osvrnuo na dio informacije koji se odnosi na obaveze Općine i konstatovao da se u dokumentu ne spominje broj podnesenih i odobrenih, odnosno odbijenih zahtjeva, niti iznos utrošenih sredstava za prava demobilisanih branilaca utvrđena Zakonom, a obaveza su općine. Smatra da je neprihvatljivo da se demobilisani branitelj, radi ostvarivanja prava na besplatnu pravnu pomoć, prvo mora obratiti načelniku, kako stoji u informaciji. Također, rekao je da se u informaciji ne nalaze podaci o ostvarivanju prava demobilisanih branilaca koja se finansiraju iz sredstava Federacije i Kantona, pa se zapitao da li su doneseni podzakonski akti koji su trebali biti doneseni u skladu sa Zakonom, ili su kriteriji za ostvarivanje prava prestrogi i prekomplikovani, ili pak nema demobilisanih branilaca koji su zainteresovani za korištenje svojih prava. Na kraju se zapitao da li su nadležni učinili sve što su trebali kako bi olakšali korištenje prava onima kojima Zakon daje tu mogućnost.

Rešad Zaimović (odgovor): je rekao da je u informaciji navedeno ono što je Služba radila, a da je u diskusiji vijećnika Huskića postavljeno niz pitanja za koja Služba nema podataka, niti odgovora, jer su u nadležnosti viših nivoa vlasti.

Dževdet Huskić: je rekao da se djelimično slaže sa dobijenim odgovorom, ali je napomenuo da je on tražio dodatno pojašnjenje u vezi korištenja zakonskih prava i pogodnosti za demobilisane branioce koja spadaju u nadležnost općine.

Nakon diskusije Vijeće je usvojilo Zaključak o primanju k znanju Informacije o realizaciji sredstava boračkim populacijama sa viših nivoa vlasti i sredstava Budžeta Općine Kakanj u skladu s kriterijima i pozitivnim zakonskim propisima za 2020. godinu sa 19 glasova ZA, 7 glasova PROTIV i 2 glas UZDRŽAN.

9. Davanje saglasnosti na Izmjene i dopune Finansijskog plana JU za predškolski odgoj i obrazovanje „Mladost“ Kakanj za 2021. godinu

Predlagač: UO JU za predškolski odgoj i obrazovanje „Mladost“ Kakanj

Obrađivač: UO JU za predškolski odgoj i obrazovanje „Mladost“ Kakanj

Izjavitelj: Helmina Murtić, direktorica i Munevera Šehić, članica UO JU za predškolski odgoj i obrazovanje „Mladost“ Kakanj

U diskusiji su učestvovali: Behija Kulović i Mujo Fafulić.

Behija Kulović: se osvrnula na dio u rashodovnom dijelu gdje se najavljuje nastavak saradnje sa Caritas-Švicarska, gdje se navodi da će sa njima biti realizovan četvorogodišnji projekat „Smješaj djece iz marginaliziranih grupa u vrtić“, a da će se za tu svrhu angažovati Rom-medijator po osnovu ugovora o djelu. U skladu s tim je pitala zašto se na angažman stručnih lica putem ugovora o djelu, odnosno zašto se nije išlo u raspisivanje konkursa i zapošljavanje potrebnih stručnih lica.

Mujo Fafulić: je podržao diskusije vijećnice Kulović i naveo da angažman lica po osnovu ugovora o djelu na duži period predstavlja kršenje Zakona o radu. Obzirom da je izvjesno da će se projekat realizovati kroz period od četiri godine, smatra da je trebalo raspisati konkurs za prijem odgovarajućih stručnih lica u radni odnos.

Helmina Murtić (odgovor): je pojasnila da je projekat predškolskog odgoja za svu djecu do sada organizovan bez da JU „Mladost“ imala nekih finansijskih obaveza, osim u zadnjoj godini. Što se tiče moguće saradnje sa Caritas-Švicarska rekla je da je ta saradnja načelno dogovorena, ali ugovor još nije potpisan, dok je u vezi angažmana Rom-medijatora i socijalnog radnika kazala da nije moguć angažman istih putem prijema u radni odnos iz razloga što Zakon o predškolskom odgoju i obrazovanju ne poznaje te struke, a s druge strane lica koja se angažuju moraju na neki način imati formalni osnov za angažman, pa se onda zaključuju ugovori o djelu.

Mujo Fafulić: je istakao da mu je poznato da je u pedagoškim standardima ZDK uvedena pozicija Rom-medijator asistent u predškolskom, osnovnom i srednjem obrazovanju, jer je učestvovao u projektima na području ZDK u osnovnim i srednjim školama, te smatra da nema prepreke da se stručna lica angažuju na ugovor o radu.

Helmina Murtić (odgovor): je ustvrdila da u predškolskim standardima i normativima ZDK ne postoji pozicija Rom-medijator i Rom-asistent za predškolski odgoj i obrazovanje, dok joj nije poznato da li te pozicije postoje u osnovnom i srednjem obrazovanju.

Nakon diskusije Vijeće je usvojilo Zaključak o davanju saglasnosti na Izmjene i dopune Finansijskog plana JU za predškolski odgoj i obrazovanje „Mladost“ Kakanj za 2021. godinu sa 21 glasom ZA, bez glasova PROTIV i 7 glasova UZDRŽAN.

10. Prijedlog rješenja o privremenom imenovanju članova Upravnog odbora JU „Dom zdravlja“ Kakanj

Predlagač: Komisija za izbor i imenovanje

Obrađivač: Stručna služba za poslove Općinskog vijeća

Izvjestilac: Edin Aliefendić, predsjednik Komisije

Edin Aliefendić: je ispred Komisije za izbor i imenovanje predložio da dosadašnji članovi Upravnog odbora JU „Dom Zdravlja“ Kakanj u sastavu: Nisvet Trako, predsjednik – predstavnik osnivača, Esmir Brodlija, član – predstavnik stručnih radnika JU i Abdulah Imamović, član – predstavnik Ministarstva zdravstva ZE-DO kantona, budu imenovani za privremene članove Upravnog odbora do okončanja procedure javnog oglasa za izbor članova Upravnog odbora „Dom Zdravlja“ Kakanj, a najduže do 3 (tri) mjeseca.

U diskusiji nije niko učestvovao, te je Vijeće sa 20 glasova ZA, 4 glasa PROTIV i 3 glasa UZDRŽAN donijelo Rješenje o privremenom imenovanju članova Upravnog odbora JU „Dom zdravlja“ Kakanj u sastavu: Nisvet Trako, predsjednik – predstavnik osnivača, Esmir Brodlija, član – predstavnik stručnih radnika JU i Abdulah Imamović, član – predstavnik Ministarstva zdravstva ZE-DO kantona.

Predsjedavajući se zahvalio prisutnim i zaključio rad 10. redovne sjednice Općinskog vijeća u 11:05 sati.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVALJUĆI
OPĆINSKOG VIJEĆA**
Slaven Katičić